

欽定戶部漕運全書

欽定戶部漕運全書卷七十六目錄

奏銷考成

催徵考成

倉糧叅限

催徵考成

一現年額徵漕項錢糧或一官經管或數官經管總作十分計算不必各作十分接徵接催之

官俱照經徵督催例議處

康熙二年

一各省糧道不必分別正官署官功罪一體辦

理

康熙二年

一徐淮臨德鳳陽江寧等倉糧銀經徵督催官

員與隨漕項下錢糧各作十分考成

康熙二年

一催徵錢糧未完各官部議降級革職有於未

經離任之前將所欠分數全完者准其開復

康熙

二年

一巡撫等官催徵錢糧叅後年限已滿該撫將

自欠原叅分數暨糧道等官分數不行查叅察

出照原叅分數加等治罪

康熙二年

一漕項倉項錢糧康熙二年題定叅後各立年

限州縣各官限一年糧道知府限一年半巡撫

限二年催徵全完如仍有不完不復作分數俱

照原叅分數處分康熙三十四年題定凡有分

數錢糧俱將接徵接催之官已完分數扣除照現在未完分數議處

一江南浙江江西漕糧隨漕數多催徵州縣等官本任年內全完者紀錄一次山東河南湖廣催徵漕糧隨漕等項州縣等官二年全完者紀

錄一次

康熙四年

一催徵漕項官員到任未及兩月並二官經徵

全完者不准議敘

康熙四年

一山東糧道專管漕糧自開兌開幫以及抵通

交倉皆躬親尾押至臨德二倉改折銀兩免其

考成

康熙四年

一直隸州知州經徵本州錢糧叅後未完照州

縣官一年限例議處督催各縣錢糧叅後未完

照道府年半限例議處

康熙六年

一催徵錢糧大小各官或因事故離任按其

欠分數應虛降虛革者俱照離任官例罰俸一

年至革職者仍行革職

康熙十年

一漕項倉項年限錢糧接徵接催官員舊例以

到任日爲始限半年催完康熙十四年題定接
徽州縣等官亦限一年接催道府直隸州知州
限一年半接催巡撫限二年如有未完照初叅

例議處

載在會典

一漕糧改折銀兩與隨漕項下錢糧各作分數

題叅

康熙十四年

一各官應徵錢糧民欠未清該督撫題請革職
留任者勒限一年催完准其開復不完革任按
其未完分數照收糧違限律擬罪督催各官照

例議處本員留於該處與新任接徵之員再限

一年催完如有不完卽將該員照所擬治罪接

徵官照例議處

雍正五年

一 本年奏銷錢糧叅後咨報全完部議未經題

覆卽於奏銷案內扣除免議其已經題覆尙未

行文者該部據咨改繕題本開復若部議已經

覆准行文原叅議處各官俱令該管督撫具題

開復

雍正十年

一 浙省額徵漕項銀內月糧廩工等銀向係預

年十月開徵以資給丁之用因每年十月民間有應完倉糧額賦等項又加預徵銀兩不無拮据乾隆二年題准於次年二月開徵其歲內應給丁銀兩於道庫減存銀內酌留支給以資輓運次年徵還歸欵

一浙省杭嘉湖三府漕糧乃係軍代民運故有貼贈一項每石徵九八色銀三錢四分七釐每兩加耗二分名曰漕截舊例於每年十月開徵勒限兩月全完爲期甚迫且銀係九八色州縣

有私照地丁收耗并收足紋者與其分徵未善
不如統徵便民乾隆三年題定照漕項輕齎等
項之例併入地丁統徵分解總以所徵正耗一
兩內將九錢八分給軍以二分解司爲運弁養
廉之用每年於二月徵收秋成後先儘漕截九
八折淨之數以紋銀給發軍丁儻有額外加耗
及缺誤扣剋情弊卽行揭叅

一浙江省杭嘉湖三府屬漕糧項下漕截之外
尙有灰石一項及白糧項下有食米折銀一項

向係隨同漕截於十月徵收解道因漕截止耗併入地丁於二月開徵統徵分解乾隆三年題准同漕截一體派徵將灰石及食米折銀徵收足紋解部其灰石米折耗羨銀兩併入地漕項下解司以充各官養廉之用

一浙省本色行糧照出運船數每船給食米一十五石外其餘支贖米石每石折銀一兩二錢解部向係隨漕十月開徵乾隆四年題准將應支本色行糧照常年出運船數隨漕開徵其餘

支贖折色銀兩併入地漕二月統徵設遇出運
增船一隻於折色銀內支銀一十八兩買米給
軍減船一隻於本色米內支米一十五石易銀
彙解

一各省漕糧未完例係巡撫咨奏漕項錢糧例
由總漕奏銷惟浙省漕糧未完間有巡撫總漕
兩處咨奏恐致歧誤乾隆五年咨行嗣後漕糧
未完統歸巡撫辦理漕項錢糧仍聽總漕奏銷
考成

一浙省漕項奏銷向將本折月糧廩工永減淺
貢及本色行糧漕截等款列爲一冊奏報漕糧
改折灰石等款單列一冊奏報輕齎行折等款
列爲一冊奏報嗣因月廩淺貢永減漕截灰石
及漕糧項下本色月糧支剩本折銀兩同灰石
等款統改每年二月開徵乾隆五年咨准本折
月糧廩工永減淺貢等款列爲一冊漕截灰石
等款列爲一冊輕齎行折等款列爲一冊其向
附月廩等款冊內之本色行糧一款改入輕齎

行折冊內統算考成

一浙省温州衛贍運屯田派給寧紹處溫四衛
各丁兌糧係在嘉湖水次離屯寫遠不能親赴
執業令該衛徵收津銀分別解給其有無完欠
并督催道府各職各均照漕項錢糧之例一體
考成

乾隆十三年

一本年奏銷錢糧奏後續完例應具題開復嗣
後續報全完如一案內有現任及大員必須具
題者將去任并佐雜等官照例附題若雖係大

員已另案革職或僅止佐雜微員該督撫將已完錢糧咨報戶部查覈轉咨吏部辦理毋庸一

概具題

乾隆十三年

一各省漕項錢糧俱係隔年奏銷乾隆二十六年江西省應徵加增餘租分給幫船造運銀兩報冊請照漕項錢糧隔年奏銷之例造冊送部覈銷

一浙省白糧項下各款錢糧照上下兩江徵解之例於十月內完解六分如徵解不足六分之

數罰俸六個月再限三個月如仍不足六分罰

俸一年

乾隆二十九年

一浙江省漕項錢糧係地漕統徵同時分解令

各州縣將徵有地漕若干於起解藩司糧道文

內一併報明銀數司道衙門均得互相查考

乾隆

三十

二年

一鳳陽府屬之虹縣裁歸泗州管理所有該縣

額徵漕糧正兌正米二百五十四石三斗三升

一合六勺三耗米七十六石二斗九升九合五

勻改兌正米三百四十一石六斗七升二合九
勺二五耗米八十五石四斗一升八合二勺白
乾隆四十二年爲始歸併泗州經徵造報

一江南省江淮興武二衛旗丁有運丁快丁之
別運丁管駕漕船快丁繳貼運費給運丁代辦
運務緣快丁分隸州縣管轄非衛備所能催徵
各州縣又以無關考成亦不認真催解乾隆五
十二年奏准照江西湖廣餘租津貼之例責成
該管州縣實力催徵由糧道解至淮安當堂散

給如有未完將經徽州縣按照未完分數開參
其未完銀兩不得墊解滋弊

一各省耗羨銀兩與正項錢糧同時造報並於
耗羨冊內載具正項銀數如有未完聲明是否
隨正未完及正項錢糧內有不徵耗羨者亦於
正項錢糧冊內逐款登明以便互相考覈

乾隆五十年

三
年

一向來正耗奏銷係分案具題或先或後稽覈
稍疎卽難保無歧異乾隆五十三年奏准各省

耗羨已未完解數目隨同正項錢糧統計分數
一疏具題以定考成如正耗全完方准議敘正
耗欠數相符合計分數議處其奏後仍未完解
者歸於正項年限案內報奏倘有正耗完欠報
解不符嚴叅查辦各省一體遵照辦理

一江南省上元等州縣應徵快丁節年舊欠江
興二衛貼費銀兩各屬未完銀數在一千五百
兩以上者分限二年五百兩至一千兩以上者
分限一年半五百兩以下者分限一年完繳如

首限期滿未經完足卽照首限銀數以十分計
算報叅所欠首限銀兩加入二限銀內一併催
追倘二限期滿再有未完卽將二限應徵同首
限未完銀兩共作十分計考其祇分一年帶徵
者限滿無完亦照十分計考完不足數卽按未
完分數計叅如有叅後續完詳請開復均以分
限銀數覈計不分年款

乾隆五十四年

一江蘇省嘉定寶山二縣民折官辦漕白等米
借動道庫銀兩定限次年二月以前分解還款

如逾限不解將經徵接徵各官覈明已未完分
數由道造具考成清冊隨同漕項奏銷送部
乾隆
五十六年

一乾隆六十年奉

上諭各省未完民欠銀糧業已格外加恩全數豁免則
地方官經徵不力之處分不妨可寬所有此次豁免
積欠以前各省地方官應得前項豁免錢糧處分均
著加恩交部查明概予寬免欽此

一經徵督催漕項銀兩未完各官例應罰俸降

職事在嘉慶元年正月初一日欽奉

恩詔以前俱准其寬免如限滿不完仍照例查叅

嘉慶元年

一嘉慶五年欽奉

上諭戶部奏各省積欠自嘉慶三四年以來不下二千餘萬此項銀兩豈盡實欠在民外省地方官於應徵錢糧往往挪新掩舊以徵作欠似此年復一年伊於何底著通諭各督撫將各省積欠認真查辦分別在官在民覈實清釐妥爲經理務使年清年款不得仍前懸宕欽此

一江西省加增餘租分給幫船造運銀兩之經徵未完各官向照催追雜項錢糧定例議處乾隆四十八年奏准照正項錢糧分數例議處嘉慶五年奏准責令巡道督催如有未完開列該管巡道職名議處

一嘉慶五年奉

旨地丁錢糧乃國家正供原應年清年款豈容任意拖欠乃近年以來經徵各員概事因循積欠至數千萬之多此豈盡實欠在民總緣州縣官以完作欠挪新

掩舊恃有完過六分以上之例批解過半卽可列入帶徵藉免離任而督撫等遇有經徵不及五分之屬員又復輾轉調署爲之規避處分以致不肖官吏無所忌憚實爲惡習嗣後各督撫務須嚴飭地方官儘收儘解如有錢糧處分將屆離任輒以調署者一經查出定將該督撫嚴議示儆欽此

一乾隆六十年以前未完錢糧欽奉

恩旨概予豁免各該員並無催徵之責各省已經題准豁免者將經徵督催各員處分卽行概予開復

毋庸逐案具題其未經題豁之各省亦令確查
未完銀數並經徵督催各員處分一併題報
嘉慶六年

一嘉慶八年奏准本年新徵數目於十二月內
先行奏明並於嘉慶九年五月內將徵完舊欠
及當年新糧徵足若干專摺具奏至前項民欠
及本年新賦總責成現在實缺署事人員實力
督催各督撫不得迴護屬員處分任意更調

一德化縣代徵蘄州衛未完租課銀兩未將職

名開送令將該縣職名補叅送部覈議

嘉慶八年

一嘉慶十七年戶部覆准浙省溫台衢嚴四衛所徵解津租銀兩經徵之員未完四分以上罰俸六箇月叅後續報全完其原叅職名業經罰俸議結者祇將議罰俸銀完繳銷案毋庸具題開復

一湖北省嘉慶十三年漕項隨奏案內未完各年帶徵銀兩將經徵督催各官覈明分數題叅嗣經查明二叅限內欽奉

恩旨緩徵及分年帶徵應將原奏處分照案犯被鄰境
拏獲之例減等議結仍令將應完罰俸銀兩造
入降罰冊內報部查覈

嘉慶十八年

一嘉慶二十一年三部奏江蘇上忙錢糧徵
解延玩奉

上諭著百齡胡克家督率兩藩司將各州縣解不足額
銀兩立即催提完解如有以完作欠情弊指名奏辦
其已徵未解之睢寧阜寧蕭縣碭山沐陽揚州六縣
衛各員先行革去頂帶勒限兩箇月如數解司欽此

一嘉慶二十一年奉

上諭戶部奏請嚴催江安二省積欠一摺江蘇省江寧蘇州所屬並安徽省各屬嘉慶元年至十四年未完積欠地漕銀兩前於十七年間降旨分限四年完納此內宿州等州縣分限六年完納其定限四年者扣至本年八月俱經屆滿茲據戶部查明江寧蘇州兩藩司所屬尙未完初限銀五萬六千五百五十七兩零二三四限併緩徵銀七十七萬七千八百三十七兩零均未據題報安徽省除宿州靈璧泗州五河四

州縣限期未滿外其餘各屬應徵積欠銀兩亦未據題報實屬延玩著該督撫實力嚴催將各屬前項積欠地漕銀兩上緊完交造冊報部毋再遲延其經徵督徵不力各員先行查取職名交部議處欽此

一湖南省二耗米折銀款同治五年經戶部奏明與正耗銀兩一律計考嗣因該省奏銷案內漏未查造行令將歷年未完二耗一款列入帶徵續完款內分別計考旋據該撫咨稱官非一任事非一年經徵接徵完欠不同礙難分晰覈

計請從寬免議卽自同治十一年奏銷爲始將
二耗一款歸併正耗銀兩開列分數計考一疏

揭叅經部覈准

同治十
三年

倉糧參限

一徐淮臨德鳳陽江寧各倉監督一年差滿四
部考覈現年錢糧未完不及一分者免議未完
一分者罰俸三個月未完二分者罰俸六個月
未完三分者罰俸一年未完四分者降一級調
用未完五分者降二級調用未完六分者降三
級調用未完七分以上者革職

各倉監督康熙
十年以後陸續

裁歸糧道管理州縣
經徵此條舊例附存

一州縣各官初參各倉糧銀欠不及一分者停

其陞轉欠一分者罰俸六個月欠二分者罰俸
一年欠三分者降俸一級欠四分者降俸二級
欠五分者降職一級欠六分者降職二級欠七
分者降職三級欠八分者降職四級以上俱戴
罪徵收停其陞轉完日開復欠九分十分者革

職議單
舊本

一布政司糧道知府直隸州知州初叅各倉糧
銀欠不及一分者停其陞轉欠一分者罰俸三
個月欠二分者罰俸六個月欠三分者罰俸一

年欠四分者降俸一級欠五分者降俸二級欠
六分者降職一級欠七分者降職二級欠八分
者降職三級欠九分者降職四級以上俱戴罪
督催停其陞轉完日開復欠十分者革職議單舊本
一巡撫初叅各倉糧銀欠不及一分者停其陞
轉欠一分二分者罰俸三個月欠三分者罰俸
六個月欠四分者罰俸一年欠五分者降俸一
級欠六分者降俸二級欠七分者降職一級欠
八分以上者降職二級俱戴罪督催停其陞轉

完日開復

議單
舊本

一署印官初叅各倉糧銀欠不及一分者停其
陞轉欠一分二分者罰俸三個月欠三分四分
者罰俸六個月欠五分六分者罰俸九個月欠
七分八分者罰俸一年欠九分十分者降一級
調用不及一月者免議

議單
舊本

一康熙十四年題定署印官初叅各倉糧銀在
任不久其欠不及一分者毋庸停陞

一州縣各官叅後各倉糧銀限一年內全完如

限內不能全完原欠不及一分者罰俸一年欠
一分二分者降三級調用欠三分四分者降四
級調用欠五分六分者降五級調用欠七分八
分者革職

議單
舊本

一布政司糧道知府直隸州知州叅後各倉糧
銀限年半全完如限內不能全完俱照州縣官

例處分

議單
舊本

一巡撫叅後各倉糧銀限二年內全完如限內
不能全完原欠不及一分者罰俸一年欠一分

二分者降二級調用欠三分四分者降三級調用欠五分六分者降四級調用欠七分八分者降五級調用欠九分十分者革職

議單舊本

一休致在領七十一應領俸米因米票遺失照違限不領之例停其支給至倉監督并該旗派出放米人員非逾限不完及並不查催者可比

所有職名毋庸議

嘉慶元年

一海運倉應放俸米已逾定限捏報元竣失察之倉場侍郎降二級調用准其抵銷本倉御史

不行叅奏降二級調用不韋抵銷該倉監督捏
報全完復失察花戶人等需索使費照溺職例
革職該旗彈壓領米之叅領交部察議花戶人
等需索使費計贓論罪

嘉慶六年

一嘉慶六年海運倉放米遲延並捏報完竣復
失察花戶人等需索使費之監督德永楊毓櫟
照溺職例革職西四旗領米之叅領交部察議
倉書花戶指稱限外赴領之米例應存倉需索
使費錢文計贓在十兩以上發近邊充軍知情

分贓於軍罪上減一等杖一百徒三年刑部奏
奉

諭旨依議其逾限未領俸米各員欽奉

上諭奕緒係二品職分較大應不准其補支其餘各員
著加恩准其各按品級支領一半嗣後如再逾限不
獨將應領米石照例扣留並當治以遲延之罪欽此
一中倉開放滿俸米十月二十五日限滿因車
輛短少領運不及覈計逾限二日奉

旨加恩免議

嘉慶六年

一同治元年欽奉

上諭德全宋晉奏遵查各倉散給米票含混稽遲一摺
據稱舊太倉俸米票內因展改滿限註寫不及改用
印戳並漏寫開斛日期富新倉書吏患病改易生手
散票稽延查明兩倉花戶均無勒指情弊請先將催
辦不力之監督先行撤任議處等語各倉收放米石
係該監督專責乃不能詳慎辦理以致寫印含混實
難勝任舊太倉監督克實納福徵著先行撤任交部
議處仍責令隨同署任監督監放米石如有虧短卽

行嚴叅富新倉監督裕善果漢源催辦不力亦難辭咎著一併交部議處嗣後各倉散給米票務須遵照舊章認真辦理儻該監督等仍前玩泄於收放一切不能嚴絕弊混卽著倉場侍郎從嚴叅辦餘依議欽此

一南新海運北新富新興平等倉開放官員俸米已經滿限未據各該倉呈報放竣應將遲延之監督交部議處逾限未領俸米一律註銷存倉儻該監督於限滿後私放顆粒嚴叅治罪

一北新倉開報四柱單內實存粟米項下未將
開除款目註明以致續劄甲米不敷開放除由
部改劄別倉開放外仍將朦混呈報之監督奏

請交部議處

以上同
治六年

一南新倉應放俸米各旗官員逾限未領米二
萬二千二百餘石戶部奏明照例註銷存倉所
有鑲黃正白正藍鑲白四旗領俸逾限各員處
分經倉場奏稱旗員艱窘俸旣註銷又復被議
未免可憫請免置議經戶部奏准並聲明嗣後

領俸如再無故逾限除俸米註銷外仍照例交
部議處不得奏請援案寬免其催放不力已經
撤任之監督裕英廖正亨交部議處花戶人等
仍由倉場侍郎嚴飭新任監督詳查彙有別情

送部治罪

同治十年

欽定戶部漕運全書卷七十七目錄

奏銷考成

漕糧參限

隨漕參限

運糧完欠

漕糧參限

一各省漕糧經徽州縣衛所各官初參未結
及一分者免議一分以上者罰俸六個月二分
以上者住俸三分以上者降二級四分以上者
降三級五分六分以上者革職俱戴罪催徵完

日開復

順治十三年

一州縣衛所各官參後漕糧違限不完者加倍
議處應罰俸者住俸應住俸者降二級應降二
級者降四級應降三級者革職戴罪督催完日

開復應革職戴罪者實降二級調用

順治十三年

一督催糧道知府等官初叅未完不及一分者

免議一分以上者罰俸三個月二分以上者罰

俸六個月三分以上者住俸四分以上者降二

級五分以上者降三級六分以上者革職俱戴

罪督催完日開復

康熙十年

一糧道知府等官叅後漕糧違限不完者加倍

議處應罰俸三個月者罰俸六個月應罰俸六

個月者住俸應住俸者降二級應降二級者降

四級應降三級者革職戴罪督催完日開復應

革職戴罪者實降二級調用

康熙十年

一署印各官未完漕糧照雜項錢糧署印官未完例議處欠一分二分者罰俸三個月欠三分四分者罰俸六個月欠五分六分者罰俸九個月欠七分八分者罰俸一年欠九分十分者降一級調用不及一月者免議

議單舊本

一道光二十七年欽奉

上諭楊殿邦等奏請將不遵文檄玩視漕糧之知縣革

職一摺江蘇寶山縣知縣劉果於該縣額徵漕糧並不遵例採辦輒稱該縣並無漕倉實屬強辯飾非劉果著卽革職以示懲儆該部知道欽此

隨漕叅限

一各省隨漕輕齎等項錢糧經徽州縣衛所各官初叅欠不及一分者停其陞轉罰俸一年欠一分者降職一級欠二分者降職二級欠三分者降職三級欠四分者降職四級俱戴罪徵收欠五分以上者革職

康熙二年

一督催糧道知府各官初叅隨漕輕齎等項錢糧欠不及一分者停其陞轉罰俸六個月欠一分者罰俸一年欠二分者降職一級欠三分者

降職二級欠四分者降職三級欠五分者降職

四級俱戴罪督催欠六分以上者革職

康熙二年

一巡撫初叅隨漕輕齎等項錢糧欠一分二分

者罰俸三個月欠三分者罰俸六個月欠四分

者罰俸一年欠五分者降俸一級欠六分者降

俸二級欠七分者降職一級欠八分者降職二

級俱戴罪督催完日開復

康熙二年

一州縣衛所各官叅後隨漕輕齎等項錢糧年

限內不能全完原欠不及一分者降一級調用

原欠一分者降三級調用原欠二分者降四級
調用原欠三分者降五級調用原欠四分以上

者革職

康熙二年

一巡撫糧道知府等官叅後隨漕輕齎等項錢糧
年限內不能全完原欠不及一分者降一級
仍戴罪督催再限內不完降二級仍戴罪督催
三限內仍不全完者降三級調用原欠一分至
四分以上限內不完者俱照州縣官例處分

康熙

二年

一署任各官欠不及一分者罰俸三個月欠一分者罰俸六個月欠二分者罰俸九個月欠三分者罰俸一年欠四分五分者降一級調用欠六分七分者降二級調用欠八分以上者革職不及一月者免議

康熙二年

一康熙十四年題定州縣衛所各官原欠不及一分年限內不完者降一級畱任再限一年催完如有不完照所降一級調用

載在會典

一康熙四十一年題定署印官經徵錢糧如有

欠至三分以上者卽降一級調用

一蘇松常鎮四府屬賦稅繁重州縣官經徵現
年漕項錢糧於奏銷時完至九分以上者其接
徵未完舊欠錢糧於年限案內復奏降級調用
之例改爲降級畱任再限一年催徵如仍不完
照依所降之級調用督催各官亦照此例議處

康熙四
十四年

一經催經徵官原欠不及一分限內不完者降
一級畱任再限一年催徵如又不能完降一級

調用原欠一分者限內不完降三級調用如年限內能催完至八九釐者降三級畱任再限一年催徵如仍不全完降三級調用原欠二分年限內不全完者降四級調用原欠三分年限內不全完者降五級調用原欠四分以上年限內不全完者革職

一州縣應解應給銀米或任意遲延或移催衛幫不卽支領卽於各本案內將縣衛遲延職名確查附叅如道庫存貯銀兩解給遲延亦一體

辦理

乾隆五年

一江南省造送春秋撥冊并解部銀兩款冊向係籠統開造乾隆五年咨行嗣後開列總數之下務將逐款細數分註明白

一定例部行事件各省督撫於文到日起限如專行一府州者限四個月通行各府州者限六個月有不需地方官查辦在省司道可以覈覆者限兩個月咨報完結惟行查總漕事件不能按限完結往往託故遲延乾隆五年咨行嗣後

照例按限查報如有違逾卽行查叅

一撥解漕項錢糧例係糧道具批委員解部湖
廣省每年移解藩司彙同地丁併解以致兩歧
乾隆五年咨行通飭各糧道一體遵照具批解
部

一部議題覆後行文各省督撫等衙門事件向
未定有稽查回文之法各省往往遲延乾隆十
年酌定設簿稽查扣限查叅并行督撫等嗣後
題覈疏內務將此案於何年月日接准部文起

於何年月日限滿會否逾限及係何員遲延之處分晰聲敘如有不能依限完結者照例請展若不預請展限經部行催二次仍不題覆卽行叅奏將督撫等交部議處

一州縣年限考成漕運總督按限咨叅務於各員名下將初叅二叅之處分晰註明以憑覈議

乾隆十八年

一江蘇省漕項錢糧向係正銀解道耗羨起解藩庫正耗分解恐有挪移牽混奏准嗣後漕項

耗羨隨同正銀併解糧道衙門查收則應解正銀若干即可覈見應徵耗銀若干完欠了然不難隨時稽覈按季彙解藩庫湊撥通省養廉及一切工程採買各項公費之用糧道於每年奏銷時將經徵及解司各數並起解司庫月日造冊報部其經徵督徵完欠職名悉歸糧道考覈有漕各省一體遵照辦理

乾隆五
十一年

一江西漕項耗羨銀兩向係年清年款並不隔年奏銷今改歸總漕題銷自應詳報總漕要題

並於奏銷時將應徵正銀若干隨正徵收耗銀

若干細數造冊附送備查

乾隆五
十三年

一江西省隨漕屯糧并正副米石例係隔年三

月奏銷所有耗羨冊籍於奏銷時隨同正項造

冊詳報總漕覈題

乾隆五
十四年

一河南省漕項耗羨銀兩係給發各幫席片之

用向隨地丁統徵於開徵後先儘漕項正耗完

解道庫將耗羨銀兩併入鹽規銀內造冊咨銷

並非分解司庫亦無絲毫拖欠卽或每年有未

完之項俱係地丁錢糧經徵考覈歷歸地丁奏
銷案內辦理嗣因鹽規全漕二項報銷年分不
同咨准將節年覈存漕米節省耗羨銀兩照數
劃出先行造報俟奏銷時遵照原奏冊式登明
加耗分數隨同正項一併造冊詳題乾隆五十四年
一浙江省應徵漕截銀兩例於當年十月內全
數徵解道庫給丁濟運嗣因各州縣應徵漕截
不能依限報解以致漕白各幫節年借墊各款
共有未完銀一十六萬餘兩經該督撫奏奉

恩旨准分八限六限扣繳以示體卹今已全數扣清不
應再有借墊未完之項議令嗣後應徵漕截銀
兩嚴飭各該州縣遵照定例於十月內全數徵
完解道給丁濟運不得恃有前奉

恩旨准其分限扣繳之案再行借墊致成積欠如有遲

延卽行查叅

乾隆五十九年

一漕項奏銷初叅案件向係具題復叅之案亦
應具題以昭慎重通飭有漕各省一體辦理

嘉慶

二年

一浙江津租報銷向於隔年三月內具題至年限復參應於限滿之時造具冊揭請參查台州衛有嘉慶十五年津租報銷暨十二十三等年未完津租二三叅各案該衛俱於十七年三月內造具冊揭詳報尙無遲誤惟漕督遲至八月內始行具題據稱親督糧船赴北係屬公出准其照例扣展免議

嘉慶二十年

一道光二十八年奉

旨這所欠解漕項錢糧之江蘇署吳江縣知縣朱子庚

震澤縣知縣沈則可署陽湖縣知縣施燕辰著一併
先行摘去頂帶勒限兩個月趕緊完解儻逾限不完
卽著從嚴叅辦該部知道欽此

運糧完欠

一運官到通糧米全完緣事望悞非係貪贓失
守有干

大計及隱匿逃人重罪該部酌量分別以示鼓勵
應開復者題請開復應陞擢者咨請陞擢應降
罰律究者立即降罰律究戶部移咨吏兵二部

查辦

順治十
四年

一總漕以通漕論糧道以本省論凡欠一分者
罰俸一年再運又欠一分者降一級調用欠二

分者降二級調用欠三分者革職

順治十七年

一運官領運漕糧交納銷算如有買補以及隨

幫代運全完者不往議敘

順治十七年

一總漕巡撫糧道如通漕及本省衛所漕糧盡

行開兌開幫北上運務一官經手者前官雖有

事故離任功罪應歸前官後官免議其總漕有

一二省巡撫糧道有一二衛所未經兌完開幫

前官事故後官接管功罪應歸後官前官免議

康熙

二年

一坐糧廳經管各省漕糧舊例除帶運糧石不算外其扣收舊欠餘米算入正運數內總作十分完至九分八釐者照常考覈完至九分九釐以上者優陞十分之內欠六釐以上不及一分者罰俸六個月欠一分以上不及二分者罰俸一年康熙五年停其考覈優陞如有未完仍照前例議處

一總漕督運各省漕糧以通漕計算十分全完者舊例加陞二級康熙八年停其陞敘康熙四

十九年題准仍照往例加陞二級

一各省巡撫經管漕糧完欠俱照糧道例議敘
議處康熙八年停止議敘如有未完仍照糧道

例處分

議單
舊本

一倉場督收各省漕糧舊例除帶運米石不算
外其扣收舊欠餘米算入正運數內總作十分
完至九分八釐者照常考覈完至九分九釐以
上者紀錄一次比及三年全完至九分八釐
並十分全完者加一級十分之內欠五釐以上

至一分者罰俸一年三年一運欠五釐以上至一分者降一級督催康熙八年停止議敘如有未完仍照前例處分

一糧船凍阻天津漕糧收受進倉非本年內全

完至隔年始行運竣者糧道押運等官不准議

敘

康熙八年

一漕糧開兌過淮違限者其到通糧米雖已全

完糧道等官不准議敘

康熙十年

一各省運糧旗丁限內過淮抵通米石照數全

完者總漕賞給花紅如額糧之外三運陸續多
交米至一百石者倉場咨部註冊六運多交米
至二百石者給以九品頂帶其出運二十年雖
無多交米石並無掛欠及過犯事故者亦給九

品頂帶以示優恤

康熙四十六年

一江南浙江江西漕糧數多經管糧道十分全
完者舊例加陞一級康熙四十九年題准改爲
加二級

一山東河南湖廣漕糧數少經管糧道十分全

完者舊例紀錄一次康熙四十九年題准改爲
加一級

一押運通判管押漕糧全完舊例紀錄一次康熙五十一年題定押運同知通判一次無欠者加一級二次無欠者加二級三次無欠者不論
俸滿卽陞

一領運千總舊例江南浙江江西湖廣糧多路遠一運二運三運全完每運加銜一級山東河南糧少路近一運全完紀錄一次二運全完紀

錄二次三運全完加銜一級康熙五十一年題
准江浙積欠之幫二運全完其次掛欠之幫三
運全完別幫五運全完俱准其卽陞雍正元年
題定領運千總一運全完加銜一次二運全完
加銜二次三運全完毫無事故者從優議敘卽
陞其江浙積欠之幫仍照舊例二運全完准其
卽陞查從前幫船積欠甚多是以二運全完卽
與優敘迨後通漕俱係抵通全完從無掛
欠議敘之例照中樞政考辦
理此例不行已久存之備查

一河南山東二省押運同知通判定例初次抵

通無欠准其紀錄二次二次無欠准其紀錄三次三次無欠准其加一級四次無欠准其卽陞江廣等省仍照舊例辦理

一各省領運守干本色全完向無論遠近一例議敘至第三運全完議敘卽陞復又另請加銜乾隆二年奏准江浙等遠省一二運仍准按運加銜三運全完卽陞不得復請加銜至三運後仍准按運加銜豫東二省一三五運全完俱紀錄二次二四運全完俱加銜一次至六運全完

議敘卽陞亦不得重請加銜至六運後仍照前
相間紀錄加銜

一部發重運武舉向與領運千總一體議敘並
無攸分亦無遠近之別乾隆二年奏准重運效
力武舉領運江浙遠省每運全完准於補官日
紀錄二次領運豫東近省每運全完准於補官
日紀錄一次三運運滿咨部註冊推用

一豫東二省遞年輪運薊糧督運通判一員領
運千總二員輪流領運未經定有議敘之例乾

隆四年題准通判一員押運全完照例議敘乾隆五年題准千總二員准照東豫近省運通全完之例議敘

酌糧於乾隆三十年停運此條仍存備查

一押運武弁並無將完糧議敘抵銷過淮違限處分之例惟文職丞倅將過淮違限以交米全完議抵查銷輕重失倫乾隆四年咨准嗣後分別咨部查議不必因其過淮違限將完糧議敘查銷

一定例准其完糧議敘抵銷因公墜悞降級等

案原指該弁本通降級事故卽以本運應得議敘抵銷其一切罰俸案件不准將完糧議敘抵銷乃該弁等竟有以應加之銜故意遲延預防將來望悞降抵之計於例未符乾隆八年題准嗣後漕運各員因公望悞應降調者如本運議敘准其抵銷其前運應加之銜概不准抵

一衛所守千領運全完有將數年議敘併爲一案咨部者殊爲未協嗣後運糧各官應得議敘

務須按年咨部查議

乾隆十七年

一衛所守千領運全完將應得議敘朦混重複
呈請者照不應輕私罪律罰俸九個月

乾隆十七年

一旗丁運糧凡二十年並無掛欠事故者例給
頂帶榮身但有由糧道詳咨者亦有由坐糧廳
轉報倉場咨查漕督始行達部者例不畫一事
亦繁瑣嗣後俱令呈明糧道查明確實轉詳總
漕咨部辦理

乾隆二十年

一衛所千總運滿時令漕臣酌量人材分別出

具考語送部

乾隆三十三年

一運弁全糧通完准予議敘由各運弁呈報糧道各糧道就近飭催造冊呈報總漕咨部辦理總不得過次年三月以內如運弁屆期不行呈

請卽行扣除

乾隆三十七年

一中樞政考內開江南浙江等遠省運弁一運全完加一級二運全完加二級三運全完議敘卽陞山東河南近省運弁一運全完紀錄二次二運全完加一級三運全完紀錄二次四運全完加一級五運全完紀錄二次六運全完議敘

卽陞其抵通完糧日期逾限及有事故者俱照例分別議處

一漕船在內河失風猝不及防押運官協同屏救修船賠糧並無虧折止應免其失防處分毋庸照全完例給與議敘

一嘉慶六年欽奉

上諭達慶等奏金山等四幫各丁有挂欠漕糧請分別杖責著追運弁議處本屬照例辦理但念本年天津一帶水勢過大丁船守水日久未免多費食米其掛

欠尙屬有因著加恩將該丁等掛欠米二千三百六十一石准其以本年應交三升八合餘米暫抵欠項下年全數搭運此外再有不敷卽買補本色交納其旗丁杖責運弁議處並著加恩寬免欽此

一江南鎮洋縣冬兌漕糧短交過正月之後始行買補趕運兌足所有民欠米石飭令催迫全完彙入下屆起運項下一併交幫搭運充公交兌遲延之經徵官及並不豫爲稟明之押運同知並冒昧詳報之領運千總均照例議處

嘉慶六年

一旗丁吳西周欠米一百石之外照例罪祇杖
徒膽敢飄然遠颺置公事於不問貽累眾丁公
同設措代完覈其情罪與監守盜無異應卽照
監守盜六十石入己者發邊遠充軍例發邊遠
充軍又旗丁周通領運三船欠米至一百餘石
之多若按米數照不及一分完結將來各丁視
代運爲無關輕重任意短欠應於吳西周軍罪

上減一等杖一百徒三年

嘉慶七年

一官丁歷運二十年請給議敘其歷運漕糧年

分數目及有無失風挂欠等項事故坐糧廳按
照歷年完糧案冊自行覈明造冊詳咨毋庸飭
幫弁造送致滋延宕

嘉慶九年

一各省旗丁完糧議敘查照定例與向辦押運
領運等官弁議敘之案統由戶部覈明知照兵

部一律辦理

嘉慶十五年

一豫省白麥在壩挑颺折耗計短交洪斛白麥
九百八十石先經倉場奏明責令總運同知及
弁丁等分別賠補下運帶交嗣經河南巡撫咨

報酌議照掛欠分賠之例作十分分別等差飭
令總運同知認賠一分半叅弁認賠二分旗丁
認賠六分半以足十分其應需船隻責令原運
旗丁自行雇募民船兩隻抵出軍船兩隻裝載
隨同本年白麥幫船帶運赴通交納所雇船隻
不准支銷錢糧沿途照料及到壩交卸事宜責
令已革總運及弁丁等管押經理經部覆准

道光

五年

一道光七年奉

上諭據百春等奏鳳陽常幫有被雨淋溼正乾米二百四十四石零廬州三幫有欠交尾零正米二百二十五石該兩幫運弁石元龍蔡濂才俱著革去頂帶勒限半個月交納如限內全完再行奏請開復儻逾限不完著嚴叅懲辦欽此